



e-bilten

OPĆINA TEŠANJ

www.opcina-tesanj.ba

e-mail: fuad.sisic@opcina-tesanj.ba

Ponedjeljak
Broj 56

18.07.2011

1. Kuda ide grad Tešanj?
2. Prijem građana – 06.07.2011
3. Loše slike o Tešnju

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu: fuad.sisic@opcina-tesanj.ba
Molimo vas da ovaj elektronski bilten prosljedite svim zainteresiranim u našoj općini. Ukoliko želite da objavite neke od vaših novosti, iskoristite elektronski bilten općinskog načelnika, koji je brz, efikasan i besplatan način komuniciranja sa javnošću.

Sa zadovoljstvom očekujem vaše komentare, sugestije i primjedbe.

Molim da ne prinatate ovaj sadržaj. Za svaki nepotrebno odštampan papir mora se bez potrebe oboriti drvo koje raste!

Kuda ide grad Tešanj?

Niti znaju šta hoće – ni šta neće!?

Posljednji broj pisanog biltena OO **Stranke za BiH** u Tešnju, dobar je primjer beskorisnog i nepotrebnog iskrivljavanja činjenica u borbi za vlast. U navedenom biltenu se, između ostalog, tvrdi:

„Tako građenjem objekta Musala u centru grada napravljen je tunel **koji zaklanja sve što je lijepo u Tešnju**. Objekt Katanga na ulazu u Tešanj bukvalno je napravljen na mostu i trotoaru a **sam ulaz u grad Tešanj je smanjen**. Postojale su hiljade drugih rješenja da se svi objekti ukllope u prirodni ambijent i svoju namjenu, ali vlast nije prihvatila mišljenje građana i napravila je trajno ruglo u gradu. Zadržimo li, kojim slučajem, ovakvu vlast u budućnosti, razglednice iz našeg grada neće biti baš za divljenje.“

Čudno: **Klub vijećnika Stranke za BiH je glasao** za rješenja Musala i Katanga, a da od hiljadu drugih rješenja nije ponudio nijedno. Zapisnik Općinskog vijeća Tešanj od 29.08.2008. godine broj: 01-05-4-2527-2/08:

Bez rasprave Općinsko vijeće Tešanj je **jednoglasno** donijelo slijedeći
ZAKLJUČAK

Usvaja se Odluka o usvajanju regulacionog plana "Musala" Tešanj II. i od 29.12.2009. godine, broj:01-05-4-5565-2/09:

Bez rasprave Općinsko vijeće Tešanj je **jednoglasno** donijelo slijedeći
ZAKLJUČAK

Usvaja se Odluka o usvajanju i pokretanju aktivnosti radi privođenja namjeni Idejnog projekta zv. „Katanga“.

Obadva rješenja su rađena od strane kompetentnih i ovlaštenih kuća, a nijedno od rješenja nije dovedeno do kraja da bi se mogla davati ocjena izvedenog stanja. Dalje, u svom biltenu Stranka za BiH donosi i sliku nelegalno izgrađenog objekta sa naslovom „Gdje god nađeš zgodno mjesto ti zgradu napravi“! Iako vijećnici Stranke za BiH znaju da ima rješenje inspekcije o uklanjanju objekta, te da je u toku drugostepeni postupak u Kantonu, vjerovatno i upravni spor, te da je općinska administracija poduzela mjere iz svoje nadležnosti, čudno je da Stranka za BiH ovo ističe kao problem, jer upravo je vijećnik Stranke za BiH kao zamjenik Predsjedavajućeg Općinskog vijeća pokušao da se izbori na Vijeću za legalizaciju započete gradnje. Zapisnik sa sjednice Vijeća broj: 01-05-4-2808-6/10 od **16.08.2010. godine**. U nastavku izvorni tekst:



- vijećnik Hasan Handžić: *S obzirom da se duži vremenski period zgrada na ulazu u Tešanj iz pravca Dobropolja, neposredno kod zgrade MUP-a, stoji u nedovršenom stanju, da na njoj i oko nje se ne vide nikakvi pomoci, niti aktivnosti koje asociraju njen dovršetak, a iz neformalnih saznanja imamo informaciju da se radi o zabrani nastavka gradnje, pa u cilju pokretanja ovog problema s mrtve tačke pokrećem inicijativu - da nadležna općinska Služba sagleda pravno utemeljenje nastavka gradnje i ako postoji pravno utemeljenje da općinska Služba predloži Općinskom vijeću uslove i rješenje po kojim bi radovi mogli biti nastavljeni i objekat privede krajnjoj namjeni, kako bi taj dio grada dobio ljepšu sliku, ako je moguće?*

Očigledno je da će nekima trebati još mnogo godina da naprave razliku između stranačke borbe za glasove birača i doprinosa ambijenta u kome će lokalni razvoj imati veću šansu. Lakše jeste napasti svaki pokušaj da se stanje promijeni, nego stanje mijenjati, ali nije bolje. Stoga će građani i dalje biti pod pritiskom informacija onih koji galame i napadaju, i onih koji nešto rade.

Prijem građana – srijeda, 06.07.2011

Načelnik treba da sve riješi?!

1. Hasan Ibrić, Vukovo

Radio u Prijevozu, Jelah. Dugo vremena pokušava riješiti penziju, napunio 60 godina ali od penzionog iz Zenice dobio negativan odgovor sa telefonskim objašnjenjem da mu nedostaje šest mjeseci. Moli da mu se to riješi, ne zna šta da radi.

Zadužio Azru Musliju:

Sabiha iz PIO Tešanj je rekla da je jedini način da Ibrić Hasan zasnivanjem radnog odnosa kod nekog od poslodavaca realizuje razliku u penzionom stažu, dokup staža vrši Biro, a kod njih su samo poljoprivrednici uplaćivali staž uz određene uslove.

Muharem Berberović je iščitao iz baze podataka Biro-a Tešanj da Ibrić Hasanu pored staža koji bi se dokupio fali ne 6 mjeseci nego 16 mjeseci penzionog staža. Muharem je mišljenja da pored navedenih podataka, i uvida u radnu knjižicu, stranka treba pribaviti iz PIO Zenica listing o svom penzionom stažu iz kojeg će se vidjeti koliko Ibrić Hasan ima uplaćenog penzionog staža.

2. Ibrahim Glavaš, Piljužići

Rastao se sa ženom 2005. godine, kuća u lošem stanju, Nedžad Unkić obilazio kuću 2009, ne ispunjava uslove zbog staža provcedenog u Armiji BiH. Nezaposlen, kuća u ruševnom stanju. Teška socijalna situacija. Uputio ga u nadležnu službu za jednokratnu pomoć. Stambeno pitanje ostaje otvoreno za rješavanje.

3. Mirsad Hankić, Rosulje

Nezaposlen 4 godine, žena i 2 djece: mašinbravar, radio u Bolnici 4 i po go-



dine na određeno, došao Hari i otpustio ga a nekog svog primio, pravnik u Bolnici primio svog, ima 42 godine starosti i 5,5 godina staža, dobio do sada ono za demobilisane borce i nije ništa drugo tražio. Traži posao, ne traži socijalnu pomoć. Spreman raditi bilo šta.

4. Omer Artuković, Raduša

Došao se zahvaliti meni i Nedžadu što će izaći na ulicu sa djecom! Iako sam Omera primio u posljednje dvije godine nekoliko puta, sada zbog toga što ne ispunjava kriterije za stambeno zbrinjavanje putem Kantona, kriterije koje je utvrdio Kanton, vidi krivnju u Općinskom načelniku i saradnicima. Pri tome, čekajući na prijem rekao da će baciti ovdje bombu.

5. Sanel Kruško, Šije

Došao se žaliti na Listu: dobio prije 4 godine i sve uložio u kuću ali još ne može useliti! Uputio stranku do Azre da mu pomogne napraviti pisani prigovor na preliminarnu listu

6. Mehmed Nakić, Raduša

Objekti Dolac, Regulacioni plan Jugozapad-Tešanj, interes da se nastavi sa izmjenom Plana i investira. Dostavio Potvrdu kojom je 03.07.1992. godine od Kliničkog centra Split i Crvenog križa Trogir preuzeo i predao Bolnici Tešanj lijekove. Predlaže da se napravi zahvalnica i odstavi donatorima. Put Čepeklija, Jazbine - traži podršku Općine, ima problem sa jednim vlasnikom zemljišta, donio peticiju 46 potpisa ljudi koji podržavaju izgradnju puta

7. Samija Hotić, Raduša

Registrovala radnju "KROJ", Dolac 28.06.2010. Napustila Napredak iz zdravstvenih razloga, sada joj Elektrodistribucija obračunava godinu unazad kao industrijsku struju svu potrošnju iako je potrošnja domaćinstva 90% a samo dvije mašine su industrijska. Treba platiti 850,00 KM! Nema za razdvajanje brojila. Radi po narudžbama i njoj ostane 200,00 – 300,00 KM/mjesečno, ali njoj je dobro i sve je legalno. Moli pomoć

8. Naim Bahtić, Karadaglije

Problem bazne stanice, osporavanje radova za izdatu građevinsku dozvolu, ugrožava se njegovo pravo jer je on ugovorom o zakupu osigurao svojoj porodici legalan prihod od 300,00 KM/mjesečno. Ako bude štetilo zdravlju ljudi u Koprivcima spreman sam raskinuti ugovor.

9. Alija Turkeš, Raduša

Prigovor na angaovanje preko Zadruga - Hamzalija, radio smao 3 dana u Maju, a neki rade po 18-20 dana. Ide na liječenje, potrebna pomoć. Uputio u Službu za jednorkatnu pomoć.

10. Hamzalija Hatibović, Sarajevo

Otvaranje pčelarskog centra u Tešnju! Potrebno zemljište dodatno cca 2,5 duluma u Kaloševiću pored privatne parcele. Pozvao Nadira i dogovorili naredne korake. Hamzalija će do kraja sedmice dostaviti pisani zahtjev sa preciziranjem detalja.



11. Asim Ćorić, Jelah

Socijalno ugrožen, nijedan zahtjev kod Službe BiZ nije prošao (teška soc. Situacija, banja,...). Invalid, ima 44,00 KM invalidnine i ne može od toga živjeti. Najavljen federalnom Ministru BiZ-e, spreman ići na 60 minuta. Ja obećao provjeriti historiju rješavanja njegovih zahtjeva i ponovo ga primiti.

12. Dedo hadžiedhemović, Tešanj

Snima DVD, izdavanje, podrška. Dobar dio završio, ostala je kamera i snimanje! Ostavio pisan zahtjev. Ja prosljedio Suadu, i obećao odgovor Dedi do petka.

13. Mirsad Mustafić, Tešanj

Posao za kćerku, radila u Gimnaziji - 8 časova, Mješovita - 2 časa (Salko Subašić obećao snahu Muće Bešlagić): Mustafić Jasenka. On ostao bez posla (Čarapara), supruga ostala bez psola (Čarapara), još jendo dijete na Fakultetu. Veoma mu je teško, operisao kičmu. Smatra da pri prijemu u novu školsku godinu njegova kćerka terba imati prednost.

14. Ekrem Kašibović, Tešanj

Ušao bez najave, pored sekretarice. Penzija 300,00 KM; žena ne radi, devizna štednja 16.000,00 KM mu nije vraćena, niko od Kašibovića nije zaposlen,...Nezadovoljan na sve, smatra da Općinski načelnik treba to nekome kazati da se to riješi. Na kraju se izvinjava načelniku što mu je oduzeo vrijeme, kaže da poštuje, ali mora nekome sve to kazati.

Loše slike o Tešnju

Ekološka katastrofa?!

Dana 14.07.2011. godine na portalu www.tesanj.net, portalu koji nosi ime Tešnja, objavljena je vijest sa nekoliko fotografija pod naslovom EKOLOŠKA KATASTROFA. Istina je – uslikano je veoma loše stanje fontane u praku pored škole „Huso Hodžić“. Općina ima ugovor o održavanju i ovog parka, i fontane, ali izostala je pravovremena akcija i nadzor. Pitam se: da li takvi propusti trebaju ići odmah na web portale da svi gledaju lošu stvar? Pitam se je li to za naslov EKOLOŠKA KATASTROFA? Svejedeno, i da je naslov, npr. neodgovornost građana i vlasti, opet bi slike isto izgledale. Ali ne znam zbog čega ovaj opravdan prigovor nije došao na adresu Općine, KP „RAD“, na adresu kojom bi se loša slika otklonila (što je primaran cilj), a ne na adresu kojom urušavamo sve napore i budžetski novac da bude drugačije. Patriotizam se ne dokazuje upirući prstom u loše stvari i pokazujući cijelom svijetu, nego ukazujući nadležnim i osobnim doprinosom. Srećom, Tešanj zaista ima mnogo građana koji upravo tako rade, i koji ukazuju i daju doprinos. Tu su, prije svega EKO-mladi i entuzijasta Šefket Turalić koji nam redovno ukazuju na slabe tačke, dostavljaju fotografije, poduzimamo zajedno akcije a onda pozitivna slika o Tešnju se šalje široj javnosti. Ovdje nije vlast u prvom planu, nego zajednica.



Općinski načelnik
Fuad Šišić

